

Broj: SU-02-451/22

Sarajevo, 25. maj 2022. godine

Uzimajući u obzir zajedničke ciljeve AIRE centra i Ustavnog suda Bosne i Hercegovine (u daljnjem tekstu: Ustavni sud) i uvažavajući potrebu za povećanjem kapaciteta i usavršavanjem pravosudnih kapaciteta u domenu primjene standarda Evropske konvencije o ljudskim pravima i osnovnim slobodama (u daljnjem tekstu: Konvencija), dobrim praksama i razmjenom iskustava iz sudske prakse, kao i činjenicu da su AIRE centar i Ustavni sud dugoročni partneri (u daljnjem tekstu: partneri) u procesu provođenja dogovorenih aktivnosti, te cijeneći dobrobit uzajamne saradnje i potrebu da se ona u budućnosti nastavi,

**AIRE CENTAR**  
i  
**USTAVNI SUD BOSNE I HERCEGOVINE**

**zaključili su**

**MEMORANDUM O RAZUMIJEVANJU**

**I. Uvod**

1. Memorandum o razumijevanju (u daljnjem tekstu: MR ili Memorandum) predstavlja dogovor partnera o saradnji i partnerstvu u provođenju aktivnosti projekta „Jačanje odgovora pravosuđa na teški i organizirani kriminal i nekažnjivost u BiH“ (engl. *Strengthening judicial response to serious and organised crime and impunity in BiH*; u daljnjem tekstu: Projekat).

2. Potpisnici MR izražavaju spremnost da budućim zajedničkim aktivnostima značajnije unaprijede oblast stručnog usavršavanja nosilaca pravosudnih funkcija putem systemske projektne aktivnosti i edukacije o realizaciji najbolje prakse primjene evropskih standarda u pogledu implementacije ljudskih prava.

3. Memorandum je potvrda opredijeljenosti partnera da jačaju nacionalnu implementaciju međunarodnih standarda, a naročito Konvencije u praksi domaćih sudova, kako bi se dao doprinos procesu reforme pravosuđa u Bosni i Hercegovini i pregovorima Bosne i Hercegovine s Evropskom unijom u okviru pregovaračkog poglavlja 23 (Pravosuđe i osnovna prava).

**II. Predmet Memoranduma**

Predmet MR je reguliranje modaliteta saradnje između partnera u svrhu zajedničke realizacije Projekta, koji se odnosi na jačanje pravosuđa u oblasti organiziranog kriminala i edukaciju nosilaca pravosudnih funkcija.

### **III. Principi**

Partneri će buduću saradnju na polju jačanja pravosuđa u oblasti organiziranog kriminala, kao i usklađivanja sudske prakse sudova u Bosni i Hercegovini s evropskim pravnim standardima zasnovati na sljedećim principima:

- 1) partnerstvo,
- 2) transparentnost,
- 3) odgovornost i
- 4) međusobno informiranje.

### **IV. Polje saradnje**

Polje saradnje partnera uključuje reguliranje niza zajedničkih aktivnosti koje se odnose, ali se ne ograničavaju na:

- 1) organizaciju i realizaciju konferencija,
- 2) organizaciju i provođenje seminara i obuka,
- 3) pripremu i izradu analiza sudske prakse sudova u Bosni i Hercegovini s krajnjim ciljem adekvatnog odgovora na organizirani kriminal u BiH te usklađivanje domaće sudske prakse sa standardima Konvencije,
- 4) pripremu, izradu i objavljivanje priručnika, smjernica i drugih publikacija u skladu s dogovorom partnera,
- 5) sačinjavanje analiza sudske prakse sudova u Bosni i Hercegovini s ciljem usklađivanja domaće sudske prakse sa standardima Konvencije,
- 6) praćenje rezultata Projekta radi što efikasnijeg ostvarivanja njegovog cilja,
- 7) saradnju na stvaranju budućih aktivnosti koje su u okviru nadležnosti partnera, a koje doprinose transparentnosti rada sudova i jačanju pravosudnih kapaciteta u skladu s evropskim pravnim standardima,
- 8) objavljivanje izvještaja/analiza stručnog i naučnoistraživačkog i drugog rada AIRE centra u okviru aktivnosti partnera,
- 9) podršku u provođenju obuka za nosioce pravosudnih funkcija,
- 10) saradnju pri kreiranju i pripremi budućih aktivnosti koje su u okviru nadležnosti partnera, a koje su kompatibilne s njihovim nadležnostima i korisne za nosioce pravosudnih funkcija.

### **V. Aktivnosti i obaveze partnera**

#### 1) Ustavni sud će:

- a) pratiti i analizirati razvoj domaće sudske prakse u vezi s ciljevima Projekta,
- b) učestvovati u radu na publikacijama i različitim elektronskim resursima u skladu s dogovorom između partnera s ciljem jačanja transparentnosti rada sudova i dostupnosti prakse,

- c) učestvovati u pripremi i organizaciji godišnjeg Pravosudnog foruma,
- d) učestvovati u obukama za savjetnike Ustavnog suda u pogledu najnovijeg razvoja sudske prakse Evropskog suda za ljudska prava,
- e) pružati podršku i učestvovati u različitim obukama iz oblasti ljudskih prava u organizaciji AIRE centra u vezi s ciljevima Projekta,
- f) preduzeti i druge aktivnosti od značaja za provođenje Projekta u skladu s dogovorom između partnera.

2) AIRE centar će:

- a) pružati podršku Ustavnom sudu u realizaciji Projekta, kako u aktivnostima Ustavnog suda tako i zajedničkim aktivnostima s drugim uključenim akterima u skladu s dogovorom sa AIRE centrom,
- b) realizirati aktivnosti Projekta u skladu s mogućnostima i dinamikom rada Ustavnog suda,
- c) snositi troškove organizacije obuka, izrade publikacija, konferencija i drugih dogovorenih aktivnosti,
- d) angažirati međunarodne stručnjake iz oblasti primjene standarda Konvencije,
- e) održavati redovne kontakte i sastanke s Ustavnim sudom u svrhu razmatranja rezultata saradnje i određivanja pravca daljnjeg zajedničkog djelovanja i aktivnosti,
- f) odrediti kontakt-osobu posredstvom koje će se za potrebe Projekta održavati veza s Ustavnim sudom.

## VI. Trajanje

Memorandum se zaključuje na period od dana potpisivanja do kraja marta 2025. godine.

U slučaju neslaganja između partnera, MR se može raskinuti sporazumno ili jednostrano tako da se pismenim putem obavijesti drugi partner o namjeri da se raskine MR uz ostavljeni razumni rok.

## VII. Ostalo

Sve obaveze će biti realizirane u skladu sa zakonskim propisima i finansijskim mogućnostima partnera.

Memorandum je sačinjen u dva istovjetna primjerka, od kojih po jedan za svakog partnera.

## VIII. Stupanje na snagu

Memorandum stupa na snagu danom potpisivanja ovlaštenih predstavnika oba partnera.

Za Ustavni sud BiH



Mato Tadić

Za AIRE centar



Biljana Braithwaite